



Vim hais tias tej kabmob thiab kev mob sis kis yoojyim heev nyob pem tsev kawm ntawv rau cov tub ntxhais thiab cov tibneeg ua haujlwm, thov siv sijhawm mentsis los saib txog cov kevcai rau kev muaj mob. Ua tsaug!

## Kub Cev Ua Npaws *tus*. *Lub cev kub dua txhua zaus li ib txwm kub.*



### Tej Uas Qhia Tau Tias Mob Lawm thiab Mob Zoo Licas

- Kev mob no tejzaum yuav ua npaws nrog.
- Lub cev tsuas kuv txog li 100 degrees xwb, yog tias siab dua ces yog ua npaws lawm.
- Nto hws thiab lub ntsejmuag kub lug, cov tawv nqaij kub lossis qhuav qhuav.
- Tsi qab los noj mov
- Pheej hais tias ib ce sov sov
- Xeev ntuav, tej thaum tseem ntuav thiab

### Txojcai Rau Kev Tsi Pub Tuaj Kawm Ntawv Vim Mob thiab Kev Ua Cia Rov Tuaj Kawm Ntawv

Ib tus tub ntxhais twg uas kub txog li 100.0 F lossis siab dua yuav raug muab xa los tsev tsi pub kawm ntawv. Tus tub ntxhais yuav tsum tsi txhob ua npaws li 24 teev thiab yuav tsum tsi tau noj tshuaj pab ntxiv lawm uantej rov tuaj kawm ntawv. Qhov no txhais tau hais tias yog tus tub ntxhais ntawd raug xa los tsev vim yog nws ua npaws kub cev, yuav tsi pub nws tuaj kawm ntawv hnuv tomqab ntawd.

## Raug Khaubthuas *tus*. *Muaj mob ua tsi tau pa txhaws ntswg, feem ntau mas yeej mob li tsib mus rau xyu hnuv.*

### Tej Uas Qhia Tau Tias Mob Lawm thiab Mob Zoo Licas

- Txhaws ntswg, txhub, thiab hnoos qhuav qhawv
- Mob qa, mob qog cajdab o
- Ua npaws
- Qhovmuag liab thiab lo lo kua
- Tsi qab los noj mov

### Txojcai Rau Kev Tsi Pub Tuaj Kawm Ntawv Vim Mob thiab Kev Ua Cia Rov Tuaj Kawm Ntawv

Ib tus tub ntxhais twg uas muaj mob li no yuav raug muab xa los tsev: lub cev kub txog 100.0F lossis siab dua, tus tub ntxhais ntawd mob lossis kawm tsi taus ntawv hauv hoob, hnoos heev lossis los ntswg ntsuab (colored drainage). Tus tub ntxhais rov tuaj kawm ntawv tau yog tias tsi ua npaws kub cev li 24 teev lawm thiab nws yeej koom tau rau kev kawm ntawv hauv lub hoob thiab ua tau tej ntau ntawv, thiab tsuas yog los ntswg ntshia thaum nruab hnuv xwb.



## Raws Plab

### Tej Uas Qhia Tau Tias Mob Lawm thiab Mob Zoo Licas

- Raws plab haw quav ua kua
- Cov quav tejzaum yuav yog xim ntsuab
- Tso quav tsw tsw phem



### Txojcai Rau Kev Tsi Pub Tuaj Kawm Ntawv Vim Mob thiab Kev Ua Cia Rov Tuaj Kawm Ntawv

Tus tub ntxhais yuav tsi muab xa los tsev yog nws tsuas raws plab ib zaug xwb, tshwj yog hais tias pom nws muaj mob nrog thiab. Tus tub ntxhais yuav tsum tsi txhob ua npaws li 24 teev lawm thiab pub rov tuaj kawm ntawv. Yog tseem raws plab thiab, tus tub ntxhais ntawd yuav tsum tau ib daim ntawv sau los ntawm tus kws khomob tias yeej tsi yog cov kabmob uas yuav kis tau.

## Xeev Ntuav lossis Ntuav (Gastroenteritis)

### Dabtsi thiaj ua rau mob, Dabtsi qhia tau tias mob thiab Mob Licas

- Ib cov kabmob xws li (eg Norovirus)
- Muaj tej cov tshuaj yeej uas rau xeev ntuav thiab ntuav taus
- Mob plab, qaug ncig leeg, thiab txhawj ntshai yuav ua rau ntuav taus thiab
- Dajntseg, mob plab nrog rau xeev ntuav thiab ntuav



### Txojcai Rau Kev Tsi Pub Tuaj Kawm Ntawv Vim Mob thiab Kev Ua Cia Rov Tuaj Kawm Ntawv

Tus tub ntxhais twg uas ntuav yuav tsum tau muab xa los tsev tsi pub kawm ntawv, xawm hais tias nws twb ntuav tas thiab twb "zoo zog lawm" tomqab uas nws ntuav ntawd. Tus tub ntxhais yuav tsum tsi txhob ntuav ntxiv lawm li 24 teev uantej rovqab tuaj kawm ntawv. Yog tus tibneeg ntawd tseem pheej ntuav thiab raws plab, Public Health uas yog (Lub Chaw Saibyuas Rau Kev Noj Qab Haus Huv Rau Pejxeem) hais kom nws yuav tsum tau nyob tsev li 48 teev tomqab qhov mob ntawd tau tshwmsim ua zaum kawg rau nws.

## Tawm pob lossis tawm hlww rwj rau ntawm cov tawv nqaij uas (kuaj tsi tau/ qhia tsi tau hais tias yog tim licas)

Cov pob lossis cov hlww uas tawm rau ntawm cov tawv nqaij uas kuaj tsi tau thiab tsi paub hais tias yog tim licas tej zaum yog ib cov kabmob uas yuav kis tau rau cov tub ntxhais lossis cov tibneeg ua haujlwm.



### Tej uas qhia tau hais tias mob lawm thiab mob licas

- Cov tawv nqaij liab liab, o lossis su tuaj, tawm hlww, cov tawv nqaij khau khau, zoo li cov pob khov thiab muaj kuas dej nyob rau hauv

### Txojcai Uas Tsi Pub Tuaj Kawm Ntawv Thiab Rov Qab Tuaj tau

Ib tus tus tub ntxhais twg uas muaj tus kabmob uas yeej kuaj tsi tau lossis tsi paub hais tias yog tim licas thiaj li tawm cov pob lossis cov hlww rau ntawm daim tawv nqaij yuav tsum tau raug muab xa los tsev tsi pub kawm ntawv thiab rovqab tuaj kawm ntawv tau thaum uas tsi muaj cov pob lossis tsi tawm cov hlww ua rwj lawm lossis tau ntawv tso cai los ntawm tus kws khomob hais tias rov qab tuaj kawm ntawv tau.